



**De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manvscriptis Codicibvs, Qvarvm permultæ antehàc nunquàm  
in lucem prodiêre

Complectens Sanctos Mensivm Septembris Et Octobris

**Surius, Laurentius**

**Coloniae Agrippinae, 1576-**

**VD16 S 10262**

De S. Mauricio & socijs martyribus.

---

[urn:nbn:de:hbz:466:1-77413](https://nbn-resolving.de/urn:nbn:de:hbz:466:1-77413)

Heb. 9.

Matth. 9.

Psal. 115.

Cant. 3.

idem sentientiū quādam in verbis diuersitas exprimatur. Vndē cūm Matthæus, qui regalem Domini personam susceperebat describendam, in genealogia contextu Reges enumeret; Lucas ad ipsum Dauid, nō regium schema prosecutus, sed per eos qui Reges non fuerant, ascendit ad Nathan filium Dauid, qui nec ipse Rex fuit. Vndē diuinirū actū est, vt non habeat socium subsequentem, qui stylī sui teneat seriem: quoniam sacerdos in sancta sanctorum solus intrabat: atque idcirco hic sine comite est, quia se circa Domini sacerdotium specialiter occupat. Matthæus autē, vt prædictum est, breuiatorem Marcum atque pedissequum habuit: quia Christi regiā dignitatē, Reges enumerando, descripti. Regiā quippe sublimitatis est, vt non si ne comitum gradiatur obsequio.

Hanc ducem & nos sequamur, dilectissimi fratres mei, non Euangelium breuiando, sed Euangelica præcepta seruando. Hunc ad vitam sequamur itineri præium. Huius salutiferum imitemur exemplum, qui mox, vt vocantis se Salvatoris audiuist imperium, non cunctatus est, non sua disponendi quæsivit inducias, non amicorum petenda consilia: sed illic diuitias spreuit, necessarios abdicavit, carnalium affectū nexus abrupit: sicque solitus, post Christi vestigia latus & impiger properauit; & tanquam post naufragium delatus in portum, diuinum illud cœleuma cauit. Dirupisti, Domine, vincula mea: tibi sacrificabo hostiam laudis. Vel illud, quod sponsa modulatur in canticis cantorum: Paululum cūm pertransiſsem eos, inueni quem diligit anima mea: tenui, nec dimittam eum, Amen.

## MARTYRIVM FORTISSIMORVM MARTYRVM, MAURICII ET SOCIORVM EIVS, ab Eucherio Lugdunensi Episcopo conscriptum.

EPISTOLA EVCHERII LVGDVNENSIS  
Episcopi ad Sylvium Episcopum.



Nota anti-  
quā deuoti-  
one, & caue-  
hæreticorū  
in sanctos  
blasphemias.

Omino sancto & beatissimo in Christo Sylvio Episcopo, Eucherius Episcopus. Misit ad beatitudinem tuam, scriptam nostrorum martyrum passionem. Verebar nanque, nē per incuriā tam glorioli gesta martyrij ab hominum memoria tempus aboleret. Porro ab idoneis authoribus rei ipsius veritatem quæsivi, ab his vtrique, qui affirmabant se ab Episcopo Genevensi sancto Isaac, hūc, quem protuli, passionis ordinem cognouisse: qui, credo, rursum hæc viro temporis anterioris acceperit. Itaque cūm alij ex diversis locis atque prouincijs in honorem officiumque sanctorum, auri atque argenti, diuersarumque rerum munera offerant, hos scripta, si vobis suffragantibus dignantur, offerimus: vtique exposcentes pro eis intercessionem omnium delictorum, atque in posterum iuge præsidium patronorum semper meorum. Memento vos quoquè nostri in conspictu Domini, sanctorum semper officijs inhærentes, domine sancte & meritò beatissime frater.

EIVSDEM PROLOGVS IN MARTYRIVM  
S. Mauricy & sociorum eius.

Agaunum  
locus Sa-  
baudiae est.



Anctorum passionem martyrum, qui Agaunum locum gloriose sanguine illustrant, pro honore gestorum stylo explicauimus: ea utique fide, qua ad nos martyrij ordo peruenit. Nam per succendentium relationem, rei gestæ memoriam nōdūm interceptit oblivio. Et si pro martyribus singulis loca singula, quæ eos possident, vel singula urbes insignes habentur: nec immēritō, quia pro Deo summo preciosas animas refundunt: quanta excolendus est reverentia facer ille Agaunensium locus, in quo tot pro Christo martyrum millia ferro cæsa referuntur? Nunc ipsam beatissimam passionis causam loquamur.

HISTO-

**I**OCLETIANVS Romanæ reipublicæ princeps, cùm ad Imperium totius orbis fuisset electus, omnesque pro*bris.* quincas turbari quorundam præsumptione perspicceret: ad consortium Imperij vel laboris, olim sibi commilitonem Herculeum Maximianum, Cæsarem fecit: eumque contra Amandum & Aelianum, qui in Bagaudatum no*Cap. I.* men præsumptione seruili arma commouerant, ad Galias destinauit. Cui ad supplémentum exercitus, legionem Thebæam ex orientalibus militibus ire præcepit. Quæ legio sex millia, sexcentos sexaginta sex viros validis animis, & instructos armis, antiquorum Romanorum habebat exemplo. Higitur milites Christianæ religionis ritum oriëntali traditione à Hierosolymitanæ vrbis Episcopo suscepérat, fidemque sacram virtuti & armis omnibus præponebant. Ad vrbem quippè Romam itinere attingentes, eandem Christianitatis fidem, quam acceperant, apud beatum Marcellinum prædictæ Romanæ vrbis Pontificem confirmauerunt: vt antè gladio interirent, quam sacram fidem Christi, quam acceperant, violarent. Recepit igitur à Diocleriano Cæsare, iubentur vt post Maximianum collegam iter, quod ceperant, quod Gallias tenderent.

Maximianus Cæsar vñi quidem militie bellis aptus, sed idolorū specialis cultor,<sup>Cap. 2.</sup> ferus animo, auaritia crudelis, libidini deditus, cæterisque vitijs obseßus, serenitatem Imperatoriam nimia crudelitate polluerat. In Galliam properans, ad Alpium Pœninarum aditum venit. Transīcētibus iter Alpium, post arduam & horridam viam, subito æqualis loci campestris occurrit & grata planities. Quo in loco oppidum factum est, quod Octodorus nomen accepit: circa quod irrigua fluminibus prata, & agrorum fertili cultura portiguntur: præcipue deinde Rhodani fluminis validus cursus offertur. Tranſcētis igitur Alpibus, Maximianus Cæsar Octodoru*s* venit: ibique sacrificatur idolis suis, conuenire exercitum iussit, atroci proposita iuſſione, vt per aras dæmonibus consecratas iurarent, æqualibus sibi animis contra Bagaudarum turbas esse pugnandum! Christianos verò, velut inimicos dijs suis, ab omnibus persequendos. Quod vñi primum peruenit ad notitiam Thebææ legionis, præteriens Octodorene oppidum, ad locum, cui Agauno nomen est, celeriter properauit: vt Octodorus octo millium spatio ab Octodoro separata, necessitatem committēdi sacrilegij præteriret. Quo in loco ita vastis rupibus Rhodani fluminis cursus arctatur, vt commendi facultate subtracta, constratis pontibus viam fieri itineris necessitas imperaret. Vndique tamen imminentibus axis, parvus quidem, sed amoenus irriguis fontibus, campus includitur: vñi fessi milites legionis Thebææ post laborem tanti itineris recesserant. O quanta reverentia excolendum est facer locus iste, in quo tot pro Christo martyrum millia ferro Cæsaris puniuntur.

Maximianus Cæsar, dum ad sacramenta superiùs memorata, cunctos in exercitu suo cogeret, agnouit, vt diximus, prætergressam legionem. Subito iracundia furore completerus, satellites mittit, vt legionem ad sacramentorum suorum sacrilegia reuocarent. Erat in eadem legione primicerius Mauricius, & signifer Exuperius, & Candidus senator: qui ita cōmilitonibus suis præerant, vt amore potius diuinitatis, quam terrore militari, obedienda præciperent. Viri in rebus bellicis strenui, & virtute nobiles, sed fide in Deum nobiliores: erga Imperatorem fortitudine, erga Christū deuotione certabant. Euangelici præcepti sub armis custodes, reddebant quæ Dei erāt, Deo! & quæ Cæsaris, Cæsarī restituebant. Requirunt itaque, quid Maximianus Cæsar, ira dictante, mandasset. Dictum est ab ijs, quos Cæsar miserat, milites omnes immollasse hostias, libâsse sacrificia, & sacramenta phanatici ordinis præbuuisse: iubere Cæarem, vt legio festinante reuertens, commilitonum pareret exemplo. Tunc hi, qui præerant legioni, miti affatu dedere respōsum, ob hoc prætergressos se Octodorum, quia iam fama ad eos sacrificiorum ordinem derulisser: fas sibi visum, esse, nè dæmonum aris Christiani contaminari viderentur, Deum viuum colere, traditam Orientali more religionem usque ad diem vite ultimum perenniter custodire. Ad bellorum usum pararam legionis esse virtutem: ad committenda verò sacrilegia, sicut Cæsar præcepit, Octodorum non redire.

Reuer-

Virtuti, pro  
viribus.

S. Martyres  
Romæ uam  
confirmans  
fidem.

Octodorus  
est in Sa-  
bauaria.

Thebæi mi-  
litaires, nè la-  
crificet dijs.

Prætereunt  
Octodorus  
Thebæi mi-  
litaries, nè la-  
crificet dijs.

Virtute,  
pro viribus  
& fortitu-  
dine.

Actus. 22.  
Thebæi  
martyres  
nolunt dæ-  
monibus  
sacrificare.

Cap. 4.

Reuersus itaque satelles, nunciat obstinatos esse animos legionis, nec velle præceptis Imperatoris obedire. Tunc Maximianus Cæsar iracundia nimietate succensus, ad hanc vocem subito furore profluit, dicens; Ergo milites mei Imperatoria præcepta & sacrorum meorum ordinem spernunt? Sancendum erat vindicta publica; etiam si tantum maiestatem regiam contemnere voluissent. Iungitur despectui meo cælestis iniuria, & mecum pariter religio Romana contemnitur. Sentiat contumax miles, me non solum mihi, sed etiam dijs meis, dare posse vindictam. Iam dissimorum meorum turba festinet: decimum quenque mortifunesta fors præbeat. Dicant aequali necce, quos ordo præmiserit moriendi; qualiter Maximianus vel sibi, vel dijs suis hac seueritate dederit ultionem. Post hanc vocem ad apparitores iussio infausta porrigitur, ad legionem velociter properatur, crudelia præcepta referantur: traduntur neci, quos ordo reperit numerandi. Latii percussoribus ceruices præbent, solaque inter eos est de gloriose mortis occupatione contentio. Perfecto itaque sceleto, vt Octodorum legio redeat, iubetur. Tunc Mauricius primicerius, paululum à satellitibus regis segregatus, conuocat legionem, & hac oratione sanctiores alloquitur:

Decimus  
quisque ex  
illis truci-  
datur.Cap. 5.  
Oratio pre-  
clara sancti  
Mauricii  
ad suos.

Matth. 26.

Sacri san-  
guinis reli-  
quia.

Dan. 3.

Dan. 7.

Vera gloria

Cap. 6.  
Rursus de-  
cimus quis-  
que cedi-  
tur.Egregia S.  
Exuperij  
oratio.

Gratulor virtuti vestra, commilitones optimi, quod amore religionis, nullam vo-  
bis Cæsar præceptum attulit formidinem. Gaudenribus quadammodo animis tra-  
di ad necem gloriosam cœmitones vestros videlis. Quam timui, ne quisquam, quod  
armatis facile est, specie defensionis beatissimis funeribus manus obuiā afferre ten-  
taret. Iam mihi ad huius rei interdictum Christi nostri parabatur exemplum, qui ex-  
emptum vagina Apostoli gladium, propriæ vocis iuisione recondidit, docens, ma-  
iorem armis omnibus Christianæ confidentia esse virtutem. Hic Deus Christus pla-  
nè metes vestras manusque prohibuit, ne quisquam diuino operi mortalibus dextris  
obsisteret; quin immo cœpti operis fidem perenni religione compleret. Haec tenuis  
exempla sacris inserta codicibus legebamus: iam nunc per nosmetipso, quos sequi  
debeamus, adspeximus. Ecce vallatus sum commilitonum meorum corporibus, quos  
de latere meo funestus satelles abstraxit. Adspersus sum cruore sanctorū, & sacri san-  
guinis reliquias vestibus meis porto? & dubito eorum sequi necem, quorū gratulans  
admiror exemplū: & vacat cogitare, quid Imperator iubeat, qui sorte mihi morta-  
litas aequalis est? Si habere aliquid virium Imperatoria præcepta potuissent, circa  
beatissimorum trium puerorum corpora Regis Chaldaeorum valuissest incendium;  
nec ora leonum lacu clausus euadere propheta potuisset. Sacra menta olim dedisse  
nos memini, quod contemptu lucis istius & desperatione vita defensare rempubli-  
cam deberemus. Iam tunc promisi mei corporis vilitatem, & spondidi hanc Imper-  
atoribus fidem, nec tamen illus mihi tunc regna cælestia promitterebat. Quid, Chri-  
sto spondente, faciendum est, si hoc portimus militia deuotione promittere? Quin-  
immò fortissimi commilitones, olim deuotas animas subdamus preciosissimæ passi-  
oni. Sit nobis virilis animus, fides inviolata permaneat. Ia cerno ante tribunal Christi  
stati stantes eos, quos neci paulo ante satelles regis depurauit. Illa vera gloria est, qua  
eternitatem beatam vitam huius breuitate mercatur. Aequali omnes animo, una vo-  
ce responsum satellitibus demus, & id nunciemus. Milites quidem, Cæsar, tu sumus,  
& ad defensionem reipublicæ Romane arma suscepimus: nec unquam aut deser-  
tores bellorum, aut proditores militia fuimus, aut ignavae fomidinis meruimus  
subire flagitium. Tuis etiam obtemperaremus præceptis, nisi instruti legibus Chris-  
tianis, dæmonum cultus & aras semper pollutas sanguine vitaremus. Comperimus  
præcepisse te, vt aut facile regis pollueres Christianos, aut de densis infectis nos ve-  
lis terrere. Non inquiras longius latitantes: nos omnes Christianos esse cognoscere.  
Habebis potestati tua subdita omnium corpora: authorem vero suum recipientes  
Christum animas non tenebis.

Hæc vir sanctus dixerat: legionis probatur assensio, & Cæsari per satellites nun-  
ciatur. Inclemens præcepit iuisione, vt iterum decimum renouare crudelitatis ordo  
consumeret. Post hanc vocem ad legionem velociter properatur, crudelia præcepta  
peraguntur, reliqui vero, vt Octodorum redeant, iubentur. Tunc Exuperius, quem  
ante principem vel campi ductorem superius memorauit, correptis legionis sua si-  
gnis, hac circumstantes oratione confirmat: Tenere me, commilitones optimi, secu-  
larium quidem bellorum signa perspicitis? sed non ad hæc arma prouoco, non ad hæc  
bella

bella animos vestros virtutemque compello. Aliud nobis genus eligendum est preli-  
orum. Non per hos gladios potestis ad regna cælestia properare. Robur nobis opus  
est animorum, inuestaque defensio: fidem, quam Deo promisimus, in ultimis custo-  
dire. Iam de commilitonum nostrorum gloria, quæ diuinum cernit obtutum, glori-  
osus vi Mauricius est locutus: ego vobis victoriam plenam, si Christo creditis, re-  
promitto. Projicunt dexteræ nostræ arma ista cum signis militaribus: præstabit hoc  
Christus, ut mox in ipso cælesti, sicut promittitur, regno alia vobis Exuperium ve-  
strum videatis signa monstrare. Vadat quinim d' funestus satelles, & hac truculento  
regi nunciet. Milites sumus, Imperator, tui: sed tamen serui, quod liberè fatemur, Dei.  
Tibi militiam debemus; illi innocentiam. A te stipendium laboris accepimus: ab il-  
lico vita exordium sumpsimus. Sequi Imperatorem in hoc nequaquam possumus, ut  
authorem nostrum negemus Deum: authorem, velis nolis, tuum. Non nos aduer-  
sum te, Imperator, armavit ipsa, quæ fortissima est in periculis, desperatio. Tenemus  
ecce arma, & non resistimus: quia mori magis, quam vincere, volumus: & innocen-  
tes interire, quam noxij viuere, preoptamus. Si quid in nos ultra statueris, ignem, tor-  
menta, ferrum: subiici parati sumus. Christiani sumus, persequi Christianos non pos-  
sumus. Inexpugnabiles legionis istius animos, Cæsar, agnosce. Tela projiciimus: ex-  
armatas quidem dexteræ satelles tuus: sed armatum fide catholica peccus inueniet. Sanctorum  
Occide, prosterne: secandas gladiis percussoribus ceruices præbemus intrepidi. Hæc  
nobis iucundiora sunt; dummodò te cum sacrilegis tuis contemnamus; ad regna  
iam nunc cælestia properantes. Flagrabat enim iam tunc in beatissimis viris martyrii  
gloriosus ardor.

Hæc mandata legionis remeans ad Maximianū Cæsarem satelles nunciat. At ille Cap. 7.  
cūm talia audisset, oblitatosque in fide Christi cerneret animos virorum, desperans  
gloriam eorum constantiam posse reuocari: quasi nihil iterato suisset scelere per-  
petratū, ire properè exercitum iubet, & circunfundi imperat legione, nullumque  
de tanto sanctorum exercitu præcipi relinqu. Ventum itaque est: circumfistit bea-  
tam legiōnē turba carnificum. Omnis etas sine discretione perimitur, lanianturq;  
beata corpora, & deuotas Deo animas fidelis mortis professione cōmendant. Oper-  
ta est terra illic pro cumbentibus in morte corporibus iustorum, fluxeruntque preci-  
osi sanguinis riui. Quæ vñquā rabies absque bello tantam humanorum corporum  
stragem dedit? Quæ feritas ex sententia sua tot simul perire vel reos iussit? Nè iusti pu-  
nirentur, multitudine non obtinuit, cūm inultum esse soleat, quod multitudo delin-  
quit. Hac igitur crudelitate immanissimi tyranni confectus est sanctorum populus,  
qui contempnit rem præsentium ob spem futurorum. Sic imperfecta est illa planè An-  
gelica legio: quæ, vt credimus, cum Angelorum legionibus iam collaudat Deum in  
cælis. Peracta tandem cæde, inter omnes sanctorum percussores præda diuiditur. Diuiditur  
Nanque Maximianus facultatem dederat, vt quisquis legionis illius militem ingulaf-  
fer, interempti spolijs vteretur. Diuisa igitur omni præda, ad vescendū epulandumq;  
victrix turba confedit.

Intercā veteranus quidam, ultimæ etatis senio fatigatus, nomine Victor, ad con-  
taminatum cædibus locum itineris necessitate deductus est. Dum ad epulas pro etat-  
is veneracione ab omnibus rogaretur, requirere coepit, quænam esset causa lætitiae,  
quod inter tot corpora interemtorū, gaudentes exultantesque possent milites epu-  
liari; dicendum à quodam est, quod legio Christianæ studio legis, ceremonias Romanas  
cultumque deorum pariter cum Imperatoriis iusionibns contemnere voluisse, da-  
tamque neci esse, vt disciplina militaris traditus ordo, seuerius teneretur. Tūc Victor  
altè gemitum trahens, grauiterque suspirans, detestatus conuiuas, detestatusque  
conuiuum, exclamat: Heu me, qui per tot annorum militiam ad hanc etatem veni,  
& in hac legione militare non merui. Quam benè inter tales, gloriose mortis hono-  
re donatos, finem vitæ inuenire potuissim? Saltem si cōmilitare in dignus eram, vel  
me ante has duas horas viandi necessitas detulisset, vt senilis pectoris crux, tanto  
rum virorum victimis misceretur. Obtuleram corpus hoc neci, dummodò tantæ  
laudis consortio non cararem. Talia dicentem prophorum statim turba valla-  
uit, quæ, vtrum Christianus esset, respondere minaciter iubet. At ille paululum oculos ad cælum erigens, tali percontantibus sermone respondit; Longus me viuendi  
vñs ad hanc, quam videtis, perduxit etatem. Quæcumque in hoc mundo agitur, aut  
studiu reperit, aut rerū volubilitas agit, aut varius semper casus infestat. Quodcunque  
volu-

Ceduntur  
ad vñi oēs  
reliqui ma-  
ties.

Diuiditur  
præda à fi-  
carijs.

Victoris  
veterani  
militis vi-  
rilis vox.

volumus, optamus, scimus aut cupimus, totus mundus caligine submersus, tenebris circumfluentibus latet; nisi nobis aut viam Christus ostenderit, aut lumen Christi affuerit. Quod ego fidei mente perpendens, utinam ultimo contestetur affectu: quod si me ad tempus paulo ante trucidatae legionis itineris necessitas detulisset, conuijis & epulis vestris horum funerum consortium pratulisse. Sed iamnunc præstabit Christus, ut Christianum me, vel ob professionem meam, transire ulterius per beatæ funera non sinatis. Hæc eum loquentem subita percussoris obtruncat infania. Ita vir sanctus consortium sanctorum celeri confessione promeruit, ceterisque martyribus in eo loco, sicut morte ita est honore coniunctus.

**Capite 5.**  
Victor tru-  
catur.

**Cap. 9.**

**Constans**  
**Chlorus pa-**  
**ter Cottan-**  
**tini Magni.**

**Maximiani**  
**incertius.**

[Hæc nobis tantum de numerosa istorum multitudine martyrum comperta sunt nomina, beatissimorum Mauricij, Exuperij, Candidi atque Victoris. Cætera vero nomina nobis quidem incognita, sed in libro vita sunt scripta. Nam ex eadem legione fuisse dicuntur Vrsus & Victor, quos Solodorus passios fama confirmat. Solodorus vero castrum est super Arulam flumen, non longè à Rheño positum. Neque illud silentum, quem deinde Maximianus progressus exitum consecutus est. Cum dispositis insidijs genero suo Constanti, tunc regnum tenenti, mortem moliretur, depræhensio dolo illius, apud Massiliam captus, nec post multum strangulatus, impiam vitam digna morte finiuit.

**Cap. 10.**  
Rhodanus  
S. Innocen-  
tij membra  
ejecta sepul-  
tura comi-  
litorum fo-  
cianda.

Neque hoc omittendum est, quod post longum temporis tractum beati Innocentij martyris membra Rhodanus reuelauit. Iugis quippe alluione vicinum in se cœspitem vergens, religiosa quadam soli pernicie ad sepulturam martyris famulatrix virida peruenit. Prolatas nanque reliquias leniter lambens, non ideo à sinu terræ protulit, vt in gurgitis sui procellam demergeret, sed e gloriosam deuotionem, quasi intrâ ambitum basilicæ cæteris martyribus sepultura præcipere sociari. Cuius translationem à sancta recordationis Domitiano Genevensi, & Grato Augustanæ urbis, vel Protasio, tunc temporis illius loci Episcopo, celebratam recolentes, quotidiana deuotio & laudibus frequentamus.

**Cap. 11.**  
Thebaeorū  
martyrum  
corpora re-  
uelantur.

**Perna labo-  
rantis Do-  
mifico die.**

At verò beatissimorum Agaunensium martyrum corpora, post multos passionis suæ antos, sancto Theodoro illius loci Episcopo reuelata traduntur. In quorum honorem cum extrueretur basilica, quæ vastæ tunc adiuncta rupi, uno tantum latere accluens iacebat, sed nūc, iubente praclaro meritis Ambrosio, loci illius Abbe, denudo ædificata, biclinii esse dignoscitur: quid miraculi tunc apparuerit, nequaquam tacendum putauit. Accidit, vt inter reliquos artifices, qui inuitati conuenisse ad hoc opus videbantur, quidam esset aurifex, quæ adhuc gentilem esse constaret. Hic cum Dominico die, quo cæteri ad expectandæ diei eius festa abscesserant, in eadē domo, in qua arte agebat, solus substituisset, in illo secreto se subito manifestantibus sanctis, hic idem aurifex rapitur, atque ad poenam vel ad supplicia distenditur. Et visibiliter turbam martyrum cernens, verberatus etiam increpatur, quod vel die Dominico solus ecclesiæ decesset, vel illum ornatum operis sancti suscipere gentilis auderet. Quod ideo misericorditer à sanctis factum constitit, vt artifex ille confernatus & territus, salutare sibi nomen posceret: statimque Christianus effectus est.

**Cap. 12.**  
Paralytica  
sanatur.

**Multa sunt**  
**quotidiæ**  
**miracula.**

Neque illud in sanctorum miraculis prætermittendum, quod per eadem loca omnibus notum est. Materfamilias Quinti, egregij atque honorati viri, cum ita paralyssi fuisset abstracta, vt etiam pedum vñs negaretur, à viro suo, vt illuc per multum itineris spatiū deferretur, poposcit. Quod cum peruenisset, sanctorum martyrum basilicæ famulantum manibus illata, pedibus ad diuersorium rediit: ac sanitatis de præmortuis membris miraculum suum ipsa circundulit. Hæc duo miracula passionis sanctorum inferenda credidi. Cæterum fatis multa sunt, quæ vel in expugnatione dæmonum, vel in restauratione claudorum, aut sanitate febrium, ceterisque infirmantibus quotidiæ per seruos suos virtus Domini operatur: quæ multa narranda sunt, si per singula scribantur. Tamen fidelium cordibus absque lectione cognita esse noscuntur: quæ & quanta & qualia miracula per seruos suos ad honorem & gloriam nominis sui, Dominus operari non desinit. Pro eoipso, die noctuque psalmorum hymnorumque decantatio non desistit: quod iubente sancto & præclaro Christi martyre beato Sigismundo Rege institutum, hinc usque hodiè, Deo protegente, est conservatum. Propterea laudes servi Dei canentes, ore persoluunt illi, cui est honor & gloria, imperium & potestas, per omnia secula seculorum, Amen.

Ex

Ex *Gregory Tuoren. de gloria martyrum Lib. I. Cap. 76.*

**M**VM Guntrannus Rex ita se spiritualibus actionibus mancipasset, vt relictis seculi pompis, thesauros suos ecclesijs & pauperibus erogaret: accidit, vt missio presbytero, munera fratibus, qui sanctis Agaunensibus deseruunt, ex voto transmitteret, præcipiens pauperibus presbytero, vt ad eum rediens, sanctorum sibi reliquias exhiberet. Igitur dum expleta Regis præceptione, regredetur cum pignoribus, Lemanni laci, per quem Rhodanus influit, nauigium petijt. Extenditur autem lacus ille in longitudine quasi stadijs quaddingentis? in latitudine verò stadijs centum quinquaginta. Denique reuertens presbyter, vt diximus, cùm nauigium hoc fuisset aggressus, subito tempestas exorta, fluctus tollit ad sidera, surgunt vndarum montes, & nunc puppis nauicula, prora dehiscente, fertur in altum: nunc iterum demersa puppi, prora tollitur in sublime. Turbantur nauta, & nihil aliud, nisi sola mors in hoc periculo præstolatur. Tunc presbyter, cùm vidaret se his fluctibus obrui, & spumis vndarum ipfarum grauiter operiri, extra etiam à collo capsulam, quæ sanctorum pignora continebat, vndis tumentibus fidus obiecxit, ac sanctorum præsidium clara inuocat voce, dicens: Nè peream in his fluctibus, virtutem vestram deprecor, martyres glorioſi! sed potius qui iugiter pereuntibus præbetis auxilium, mihi (quæſo) dexteram salutis porrigitur dignemini! fluctus opprimit, nosque ad litus optatum vestri adiutorij ope deducite. Et hæc dicens, cessante vento, decedentibus vndis, ad litus euecti sunt. Hæc ab ipso cognoui presbytero. In hoc stagno ferunt tructarum piscium magnitudinem usque ad centum librarum pondera trutinari.

Fragmentum Epistole Decani & Canonicorum Caſtri noui in Gallijs,  
ad reuerendissimum Archiepiscopum Colonensem  
Philipum.

**D**VM beatus Martinus cum paucis admodum comitibus sub habiti peregrini, Roma egrediens, in mente haberet orare in loco tanta excelendo reuuentia, in quo tot pro Christo martyrum millia preciosum sanguinem effusissent, Agaunum venit. Et completa oratione, à monachis (Nam monachi tunc temporis locum possidebant) de reliquijs eorumdem martyrum aliquid sibi deuotè donari petijt. Qui personam adumbratam schemate non cognoscentes & repellentes, dare prorsus renuerunt: non forte charitatis fonte in eis exhausto, sed verentes, nè homini incognito & aduenæ aliquid de tanto credentes theſfauro, offensam incurrerent: maximè autem Deo in hac repulsa id prouidente, vt Solem, paupertatis amictum cilicio, occultationis abstersa nube reuelaret, & claritas eius radios per regionis illius spatia diffunderet: quisque vel quantus esset Martinus, coruscatione mirabili illius partis orbi terra illucesceret. Abiectus igitur ab hominibus facerdos, vt ſemper, & hic patienter amplectens, nihil motus, ad diuinum more ſuo ſe contulit præfidium, & ab incolis Saltem locum, roſeo quondam cruce purpuratum, ſibi ostendit obtinuit: ubi flexis genibus, corde, vultu & manibus in cælum directis, cum summa deuotione dominatorem terræ & mortis orauit, cui nec capillus de capite noſtro perit, vt qui in die nouissimo totam hominis substantiam in iētu oculi reparaturus eſt, aliquid ex ſanguine militum ſuorum, pro gloria ſui nominis illic effuso & absorpto, de abyſſis terra, ad laudem ſuæ maiestatis & martyrum honorem, dignaretur refundere.

Deinde exempto vagina cultello, altera manu virentis coma graminis comprehendens, mox vt altera in gyro, id eſt, in modum corona cæſpiti incūm ſustulit: mirum dictu, & inauditum haec tenus miraculum: densus ab ipſo exspite copiosi ſanguinis imber distillare coepit. De quo Martinus, quantum diuina largitas cōtulit, cum summa veneratione & gratiarum actione lārus ſuiciens, per vascula, ad hoc deindustria facta, diſpertiuuit, & redditum cum exultatione maturans, cum ſuis iter arripuit. Sed vt Martinus abiectus, Martinus electus Dei pontifex appareret, iter quidem inchoare, sed occulta vi quadam prohibitus, promouere non potuit: donèc inspiratione secreta voluntatem largitoris intelligens, Agaunum reuersus, quod gestum fuerat, referret, & auaros illos monachos, quos inopes copia faciebat, redarguens, & quis eſſet, Hh aperiens,

Dat Agau-  
nenibus  
patrem san-  
guinis diui-  
nitus sibi  
admittitrat-  
ti.

Nota quid  
eantus vir-  
eribuerit  
sanctorum  
reliquias.

S. Mauriti.  
Dux legio-  
nis Thebae.

Celeste ta-  
lentū & di-  
uitia Dei,  
martyrum  
reliquiae.

aperiens, data parte sanguinis cælitùs adepti, & cultello illis, quo cæspitem præcidebat, dimisso, participes tantæ benedictionis efficeret. Quibus ad hæc tremefactis, & culpam duritie sua fatentibus, veniam clementer indulxit, omnia ei sua seque expontibus. Ipse, quæ Deus sibi præbuerat, arbitratus sufficere, vale factò illis, & accepta à Deo facultate progrediendi, Turones redijt. Vbi cum maximo Clericorum & ciuium vniuersorum tripudio & applausu, vt pastor & dominus, luxque patriæ, solenni processione suscepimus, ipsum, quem deferebat, sanguinem omni roſa & obrizo venustiorem, per quotquot voluit vascula diuīsum, locis, quibus iudicabat oportere, decenter composuit: eiusdem metropolis principalem ecclesiam, sed & Andegauensem illi subiectam, tantorum pignorum parte aliqua nobilitans, in honorem eorumdem martyrum Mauricij & sociorumque eius consecravit. Cuius susceptionis memoria solenniter in vrbe nostra quotannis agitur quarto Iduum Maiarum &c. Deinde paucis interiectis:

Instantum autem prædictorum Thebæorum martyrum sanguinem veneratus est Martinus, ut ampullam ex eo completam, secum perenniter habendam retineret, & in locum requietionis sua, cum hominem exuisset, reponi præciperet.

## FORTVNATI CARMEN DE EISDEM beatissimis Martyribus.

**T**VRbinc sub mundi cùm persequerentur iniqui,  
Christicolasque daret seu procella neci:  
Frigore depulso, succendens corda, peregit  
Rupibus in gelidis feruida bella fides.  
Quo pte Mauriti, duxor legionis opimæ,  
Traxisti fortis subdere colla viros.  
Quos, positis gladijs, armasti dogmate Pauli,  
Nomine pro Christi dulcius esse mori.  
Pectora belligero poterant quæ vincere ferro,  
Inuitant iugulis vulnera chara suis.  
Hortantes se clade sua sicire sub astra,  
Alter in alterius cæde natauit heros.  
Audiuimus rapidas Rhodani fons sanguinis vndas,  
Tinxit & Alpinas ira cruenta niues.  
Tali fine polos felix exercitus intrans,  
Iunctus Apostolicis plaudit honore choris.  
Cingitur Angelico virtus trabeata senatu:  
Mors fuit vnde prius, lux fouet indè viros.  
Eccè triumphantum duxor fortissime Regum,  
Quatuor hæc procerum pignora sacra iacent.  
Sub luteo tumulo latitat cælestè talentum,  
Divitiasque Dei vilis afena tegit.  
Qui faciunt sacram paradisi crescere censum,  
Hæredes Domini luce perenne dati.  
Sidereo chorus iste throno cum carne locandus,  
Cùm veniet iudex, arbiter orbis erit.  
Sic pia turba simul festinans cernere Christum,  
Ut calos peteret, de nece fecit iter.  
Fortunatus enim per fulgida dona tonantis,  
Nè tenebris crucier, quæſo, feratis opem.

ASTE-